

4. f. 4.

CANTIG SPIRITUEL, EN HENOR DA SANT LEYER,

VAR SUJET AR MIRACLOU

*en deus great hac a ra bemdeiz dre an Autrou Doue en e Chapel, siuet er Barres
demeus a Riec, Var un Ton nevez.*

SElaouit cana, me ho ped,
Ur Cantic nevez composet,
Great en enor da Sant Leyer,
Gloar an Esqueb eus e amser.

Eus a Franç e voa guinidic,
Ha famil nobl ha pinvidic,
Hac e yaouanquic casset voue,
Da scol ar Princet da ty Roue.

Ar Roue er guel e vertuziou,
Er roas da Escop ar Pouetou,
Evit ma vige e speret,
D'an oll cargou bras preparet.

Archidiacr, Bælec, Abat voue,
Tad d'ar Beorien, Conseil d'ar Roue;

A

Ha dre ar c'hraç d'emeus a Zoue ;
 Er guear a Autun Escop voue.

An Escopy-mâ a gavas ,
 Ramplisset a dizursiou bras ,
 Disgrissienna a reas ar viçou ,
 Evit planta ar vertuziou.

Ar Roue Childeric o velet
 E vertusiou hac e speret ,
 A jugeas e voa e furnez ,
 Util bras d'e Rouantelez .

Incontinant quemennet voue ;
 Da zont d'ar Pales gant ar Roue ;
 Evit gouarn e sujedet ,
 Gant furnez , justiç ha speret .

Gouarn a reas ar bopl a Franç ;
 Gant quement demeus a brudanç ,
 Na glevet en oll Provinçou ,
 Nemet benedictionou .

Mæs an Diaoul scuis o velet ,
 Ne rea e Franç malheur ebet ,
 A discargas var Sant Leyer ,
 E oll fureur hac e goler .

D'ar Roue a Franç e voue accuset ,
 Demeus e garg e voe torret ,
 Hac en e blaç e voue lequet ,
 Ebroin , un Tyrant milliguet .

An Tyrant-mâ a bersecutas ,
 Sant Leyer gant ur fureur bras ,

Demeus e ben e voue tennet
E daoulagat gant crueldet.

E visach a voue dispennet,
E vusellou, e deot trouc'het,
Quement-ze ne ampeche quet,
Na deue ar Sant ato da brezec.

An Offeren a lavare,
Ato lies ha ma c'halle;
Tud a deue eus a bep canton,
Da glevet ar Sant o sarmon.

D'ar Roue memes e predizas,
E velge Franç malheuriou bras ,.
Ebroïn hac ar Roue a bede
Da appesi coler Doue.

Mæs allas! eleac'h e gredy ,
E teujont d'e persecuty ;
Ebroïn a roas un urz cruel,
Evit dibenna Sant Leyer.

Incontinent ma voa lazet ,
E gorf a so bet enterret
E Sarcin gant Grec Chrodebert ,
Eleac'h ma en deveus ur Chapel.

An nombr bras eus ar miraclou
So accordet d'e bedennou ,
A zisques ez eo sur caret
Gant Doue Sant Leyer benniguet.

En Artois , e Tour , er Poëtou
En d'eus great calz a Viraclou ,

Hac e Breis partout e clever
Prezec a Viraclou Sant Leyer.

E Riec , en Elcopty Querne ,
Diou leo bras dious Quimperle ,
Ez eus ur Chapel batislet ,
E gloar Sant Leyer benniguet.

Ar Barres demeus a Riec ,
E deus alies experimantet
Ar vertus eus e bedennou ,
Dre un nombr bras a Viraclou.

Eur bloas defolet o velet
O hed debret gant ar prenvet ,
E zejont e procession
Da Sant Leyer a vir galon.

Ar Procession pa dremen
Dre Lanegui , ur certen den
A reas goab demeus ar re-all ,
Hac incontinant e voue dall.

Da Sant Leyer en em vœstlas ,
En e Chapel e tisquennas ;
Receo a eure ar guelet ,
Dre graç Sant Leyer benniguet.

Ar bopl-mâ a voue rejouisset ,
O tont d'ar guear hac o velet
Ar prenvet maro er parcou ,
Dre ar vertus e bedennou.

E memor d'an daou miracl-ze ;
D'an eil Sul eus a Gouere ,

E teu tud eus a bep cartier
D'ar Pardon bras da Sant Leyer.

An eil deis eus a vis here,
A Sant Leyer ar Gouel a ve,
Ha d'ar Sul quenta en deis ze,
E Sant Leyer pardon a ve.

Ur c'hrec demeus a Vourc'h Riec,
A voue privet eus ar guelet,
Abalamour ma e devoa poafet,
Ha Gouel Sant Leyer mepriset.

Ar c'hrec-mâ a c'houennas pardon
Oc'h Sant Leyer a vir galon,
Da benn un nebeut goudefe
Ar c'hrec-mâ a velas adarre.

Un den yaouanc en devoa collet,
A Barres an Treou, ar guelet;
Deuet gant e dat da Sant Leyer,
A vele scler da vont d'ar guer.

Ur Plac'h yaouanc a Barres Riec,
Pehini biscoas ne devoa querset,
Deut var ur marc'h da Sant Leyer,
A valeas da vont d'ar guer.

Eus a Redene ur Belec,
Gant poan divrec'h ne alle quet
Offerenna en e quartier,
En em vuestlas da Sant Leyer.

E Sant Leyer pa erruas,
An Offeren a lavatas;

Goude e veulas Sant Leyer ;
Hac e tistroas pare d'ar guer.

A gouelet Leon un den yaouanc ;
A foëtas cals eus e arc'hant ,
Er guer gant ar medecinet ,
En esper beza soulaget.

Mæs o velet ne alle quet
Receo dreizo sicour er bet ,
En em vœstlas da Sant Leyer ,
Hac e tistroas pare d'ar guer.

E Pondaven ez oa ut c'hrec
Incommodet en e querzet ,
Gant diou grec all eus a Nizon ,
O deus recevet guerison.

Ur Marc'hadour a yoa ive ,
Er Guear eus a Quimperlé ,
Gant ar goutou incommodet ,
Sant Leyer en d'eus èn pareet.

A Barres Moëlan oa ive ,
Ur c'hrec ne alle quet bale ,
Da Sant Leyer en em vœstlas ,
Hac ar bale a recevas.

Un den a Barres Bannalec ,
Gant poan divrec'h incommodet ;
A so bet c'hoas , gant Sant Leyer ,
Renier pare en he antier.

E Moëlan ur Buguel so couet
Er mor , hac eat prest d'ar gouelet ,

E Dat hac e Vam er gouestlas
 Da Sant Leyer gant ur feiz bras.

E deon ar mor beo voue cafet,
 Gant Sant Leyer oa preservet,
 Evit renta graçou da Zoue,
 Da Sant Leyer digaffet voue.

Er blosas diveza tremenet,
 Ur miracl bras a so guelet,
 Deiz ar pardon e Sant Leyer,
 Gant cals a dut eus ar quartier.

Ur plac'hic bian a Banalec,
 Gant e Zad a oue distreinet,
 En ur c'har bian, evit goulen,
 Er pardon-mâ, an alufen

Ar plac'h-mâ a yoa incommodet;
 En ur fæçon horribl meurbet,
 Rac var e diou scoas e velet,
 E daou droadic en em croaset.

Ar plac'h-mâ en deis-ze o velet,
 Gant Sant Leyer cals tud pareet,
 A gredas ec'h alge ive,
 Dre e voyen, beza pare.

Va c'hassit, va Zad, emezi,
 D'ar feunteun evit va goalc'hi,
 Var e zreit soun e voue guelet,
 Er feunieun pa voue disquennet.

Cals tud e guelas an deis-ze,
 Er procession o vale;

Bep bloas ar plac'h. mā a veler ;
Er pardon bras e Sant Leyer.

An oll miraclou mā a lenner ,
A Lambrux chapel Sant Leyer ;
Mar d'eus nicun ha n'o gret quet ,
N'odeus nemet dont d'o guelet.

Impossibl ve din recita
Ar miraclou so great amā ,
Rac casi bep bloas e veler
Miraclou bras e Sant Leyer.

Tud cam , tud bousar ha tud dal ,
Tud affliget gant poaniou all ,
Er Chapel. mā e queffot remet ,
Eus ho poaniou hac ho clenvet.

Deut eta pobl eus a Quemper ,
Deut da visita e Chapel ;
Deut pobl a Leon , pobl a Treguer ,
Deut Guenedis da Sant Leyer.

F I N.